

ANUNCI

Cossent damb çò previst enes articles 17.3.b e 20.8.a dera Lei 38/2003, de 17 de noveme, Generau de Subvencions, se publike er extracte dera convocatòria eth tèxt complet dera quau pòt consultar-se ena Base de Datos Nacional de Subvenciones <http://www.pap.minhap.gob.es/bdnstrans/es/index> e ena sedença electronica deth Conselh Generau d'Aran <https://tauler.seu.cat/inici.do?idens=8103980001>:

Eth Conselh de Govèrn deth Conselh Generau d'Aran, en session ordinària de 21 d'octobre de 2019, aprovèc iniciauments es bases reguladores dera concession d'ajudes as esportistes estudiants d'Aran entath cors academic 2019/2020. Es determinacions basiques dera convocatòria son es següentes:

Normativa reguladora

Bases especificques reguladores entar autrejament d'ajudes as esportistes estudiants d'Aran entath cors academic 2019/2020.

Crèdit pressupostari

Era despena d'aguesta convocatòria anarà a cargue dera aplicacion pressupostària **01.341.481.01** deth pressupost generau vigent dera Corporacion entar exercici 2019.

Objècte, condicions e finalitat

Era concession d'ajudes e subvencions economicques qu'autrege eth Conselh Generau d'Aran as joeni esportistes d'Aran qu'agen projeccion entath nau nivèl esportiu, qu'a coma objectiu motivar era contunhutat dera sua carrèra esportiva mentre estudièn entar assoliment dera categoria d'esportistes de naut rendiment en un futur. Er àmbit temporau comprendreà eth cors academic 2019/2020.

Règim d'autrejament

Concurrència competitiva en foncion des barems establidi en article 11au des bases.

Requisits des beneficiaris entà sollicitar era subvencion

Es que mèrquen es apartats 3 e 4 des bases especificques.

Organs competents entara instruccion e resolucion deth procediment

Era instruccion se realizarà per part deth Departament d'Espòrts deth Conselh Generau d'Aran, e serà eth Conselh de Govèrn deth Conselh Generau d'Aran qui resolverà era convocatòria mejançant resolucion motivada.

Tèrme de presentacion de sollicituds

Enquiath 29 de noveme de 2019.

Tèrme de resolucion e notificacion

Dus (2) mesi des dera finalizacion deth tèrme de presentacion de sollicituds.

Documentacion e informacion qu'aurà d'inclodir era peticion

Se determinen en article 7au des bases especificques.

Critèris d'avaloracion des sollicituds

Se determinen en article 10au des bases especificques.

Regim de recorsi

Er acòrd de resolucion dera convocatòria met fin ara via administrativa.

Mieis de publicitat

BOP de Lleida, BDNS e en lòc web deth Conselh Generau d'Aran.

Publicitat des bases

Es bases especificques entara convocatòria d'ajudes as esportistes estudiants d'Aran entath cors academic 2019/2020 publicades damb aguesta convocatòria se sotmeten a informacion publica per tèrme de vint (20) dies, a comptar de londeman ara publicacion d'aguest anunci en BOP e en taulèr d'anoncis dera corporacion, ar efècte qu'es personas interessades poguen examinar-lo e presentar possibles reclamacions e/o allegacions. Se passat aquest tèrme non s'an presentat reclamacions ne allegacions en contra, aquestes bases s'enteneràn definitivament aprovades sense besonh d'ulterior acòrd.